

# Ժողովուրդ

158  
(2638)

4 նոյեմբերի ուրբաթ 2022  
տպագրության ԺԱ տարի

✉ ք. Երևան, Արմավյան 22ա/3 (0010) ☎ +374 10 546423 @ info.armlur@gmail.com, info.zhoghovurd@gmail.com

100 դրամ

## ՆԻԿՈՒ ՓԱՇԻՆՅԱՆԸ ԽԱԲԵԼ Է ՄԱՍ 127



ՀՀ վարչապետ Նիկոլ Փաշինյանը հերթական անգամ մանիպուլացնում է Արցախյան հակամարտության թեման: Օրինակ՝ նոյեմբերի 2-ին նա խորհրդարանում խոսեց Արցախի կարգավիճակի մասին եւ նշեց, թե այդ բառը փորձել է մի կողմ դնել:

«Համաձայնել ենք ռուսաստանցի մեր գործընկերների հետ, որ հիմա չարժե գնալ եւ փորձել լուծել այդ թեման, որովհետեւ դա կբերի անխուսափելի ճգնաժամի, եւ այստեղ է, որ ուրախ եմ. ես կարող եմ հիմա սա ասել: Հաջորդ խնդիրը, որի մասին հրապարակային ասել էի եւ հետահայաց եմ ուզում ասել՝ մենք նաեւ առաջարկեցինք, որ հենց Սոֆիում տեղում որոշում կայացվի Լեռնային Ղարաբաղում տեղակայված ռուսաստանցի խաղապահների մանդատը երկարացնել անորոշ ժամանակով՝ 20 տարով, 15 տարով, 5 տարով եւ այլն», - նշել է նա՝ հավելելով, որ այդ առաջարկը չընդունվեց, բայց հարցը դարձավ օրակարգային: Այսինքն՝ Նիկոլ Փաշինյանը նշում է, թե ինքը չի խոսում Արցախի կարգավիճակից, որովհետեւ ռուս գործընկերներն են առաջարկել ԼՂ կարգավիճակի թեման հետաձգել անորոշ ժամանակով, սակայն 2022 թվականի ապրիլի 23-ին Նիկոլ Փաշինյանը խորհրդարանում հայտարարեց. «Միջազգային հանրությունն առաջարկում է մի փոքր իջեցնել Արցախի կարգավիճակի նշաձողը»: Նախ նկատենք՝ այստեղ որեւէ խոսք չկար ռուսական կողմի մասին, մյուս կողմից էլ, երբ նա խոսում էր նշաձողն իջեցնելու մասին, չէր ասում, որ այն պատրաստվում են քննարկել ավելի ուշ: Ստացվում է՝ նա հերթական անգամ մանիպուլացնում է բանակցությունների եւ Ազախյան հակամարտության թեման եւս:

Կենտրոնական ընտրական հանձնաժողովի նորընտիր նախագահ, ԱԺ ԶՊ խմբակցության նախկին պատգամավոր Վահագն Հովակիմյանի երկու որդիները Հայոց բանակում չեն ծառայել: «Ժողովուրդ» օրաթերթը հոկտեմբերի 21-ին պաշտոնական գրություն էր ուղարկել ՀՀ պաշտպանության նախարարություն եւ ուղղել հետեւյալ հարցերը. «Արդյոք Միսակ Վահագնի Հովակիմյանը եւ Նարեկ Վահագնի Հովակիմյանը անցել են պարտադիր զինվորական ծառայություն, թե՛ ոչ: Եթե այո, ապա որտե՞ղ եւ ե՞րբ: Եթե ոչ, ապա ինչո՞ւ» եւ ի՞նչ հիմքով: Եվ, ահա, նոյեմբերի 3-ին «Ժողովուրդ» օրաթերթը ստացավ Պաշտպանության նախարարության գլխավոր քարտուղար Համլետ Բատիկյանի անունից պատասխան, որում ասվում է. «Հայտնում եմ, որ Միսակ Վահագնի Հովակիմյանը եւ Նարեկ Վահագնի Հովակիմյանն օրենքով սահմանված հիմքով ազատվել են պարտադիր զինվորական ծառայությունից»: Միեւնույն ժամանակ հղում անելով «Անձնական տվյալների պաշտպանության մասին» օրենքին՝ ՀՀ ՊՆ-ն մերժել է տրամադրել ԿԸՀ նախագահի որդիների՝ բանակից ազատման պատճառները: Անկախ պատճառներից՝ պետք է արձանագրենք, որ եթե Վահագն Հովակիմյանը իշխանական պատգամավոր չլիներ, դժվար թե նրան հաջողվեր որդիներին ազատել պարտադիր զինվորական ծառայությունից: Ուղղիմադիր Նիկոլ Փաշինյանը կասեր՝ ոնց է լինում, որ պաշտոնյաների որդիներն են միայն հիվանդ կամ ուսման ծարավ լինում եւ այդ երկու հիմքերից մեկով ազատվում բանակից: Բայց դե հիմա Նիկոլ Փաշինյանը դարձել է վարչապետ եւ իրերն ու երեւոյթները այլ կերպ է մեկնաբանում: Հավելենք, որ ԶՊ-ականների շարքում շատ են բանակից ազատման դեպքերը, հատկապես՝ առողջական խնդիրների հիմնավորումներով:



«Ժողովուրդ» օրաթերթը երեկ էր գրել, որ իշխող «Քաղաքացիական պայմանագիր» կուսակցության վարչության անդամների խայտառակ կերպով կազմակերպված ընտրություններից հետո վարչության կազմից դուրս են մնացել փոխվարչապետ Համբարձում Մաթետոսյանն ու ԱԺ «Քաղաքացիական պայմանագիր» խմբակցության ղեկավար, նախկինում ԼՀԿ-ական եղած, Էդմոն Մարուքյանի սանիկ Հայկ Կոնջորյանը: «Ժողովուրդ» օրաթերթի տեղեկություններով՝ կուսակցության ներսում գործել է մի խումբ, որը կորդինացրել է ընտրությունները. խմբի անդամները 4-ն են եղել՝ պատգամավորներ Արփի Դավոյանը, Վիլեն Գաբրիելյանը, Տրդատ Սարգսյանը եւ փոխվարչապետ Համբարձում Մաթետոսյանը: Կուսակցական ընտրությունների կեղծիքների մասին բարձրաձայնել են շատերը ներսում, այդ թվում՝ պատգամավոր Թագուհի Դազարյանը՝ բողոքելով, որ Արփի Դավոյանը կեղծիքներ է կազմակերպում: Արփի Դավոյանը ճնշումներ է գործադրել՝ ՀՀ փոխվարչապետ Համբարձում Մաթետոսյանի միջոցով ազդելով մարզային իշխանությունների վրա: Կոնկրետ հրահանգ է եղել Նիկոլ Փաշինյանի անունից՝ ում ընտրել, ում ոչ մի դեպքում չընտրել: Արսեն Թորոսյանը, Ալեն Սիմոնյանը, Մարիա Կարապետյանը, Էդուարդ Աղաջանյանը եղել են սե ցուցակում: «Ժողովուրդ» օրաթերթը տեղեկացավ, որ ԶՊ ներսում ընտրությունների բողոքարկման գործընթացը կորդինացրել է Արսեն Թորոսյանը, եւ կայացած վերահաշվարկից հետո հենց ինքը եւ ԱԻ նախարար Արսեն Փամբուխչյանը անցել են վարչության կազմ, իսկ Կոնջորյանն ու փոխվարչապետ Մաթետոսյանը դուրս են մնացել ցուցակից: ԶՊ-ական կեղծիքների մասին դեռ էլի հրապարակումներ կունենանք:



Կոռուպցիան եւ կաշառակերությունը մերժող հեղափոխական իշխանությունների ներկայացուցիչների մեծ մասը, որ նախկինում ոչ մի սեփականություն չի ունեցել, ավտոմեքենաների եւ տների սեփականատերեր են դարձել: ԱԺ ԶՊ խմբակցության պատգամավորներ կան, որ նախկինում 100 դրամով երթուղայիններով էին երթեւեկում, հիմա ավտոմեքենաներ են վարում: Այս կարեւոր իրողությունը ինչո՞ւ է վրիպում ՀՀ կոռուպցիայի կանխարգելման հանձնաժողովի ուշադրությունից: Հանձնաժողովի նախագահ Հայկուհի Հարությունյանը «Ժողովուրդ» օրաթերթի հետ զրույցում վստահեցրեց, որ չի վրիպել ոչինչ իրենց ուշադրությունից: «Այս պահին կոնկրետ Ազգային ժողովի պատգամավորների բիզնես ներգրավվածության մասով ուսումնասիրությունները ընթացքի մեջ են: Արդյունքները մենք ինքներս ենք հրապարակելու, եւ կարող է վարույթներ լինեն»: Այսինքն՝ նշանակում է, որ կան պատգամավորներ, որոնք բիզնեսի մեջ են ներգրավված, սակայն թաքցրել են այն, ու առաջիկայում հետաքրքիր բացահայտումներ են սպասվում: ՀՀ կոռուպցիայի կանխարգելման հանձնաժողովի նախագահ Հայկուհի Հարությունյանի հետ բացառիկ հարցազրույցը կներկայացնենք այսօր՝ ArmLur.am լրատվական կայքում:





ԻՐԱՎԻՃԱԿ

ՀՈՉԱԿԱԳԻՐ

ՀԱՅԱՍՏԱՆԸ ՎԵՐԱՊԱՐԿՈՒՄՆԵՐՈՎ Է ՄԻԱՑԵԼ

ԱՐԳՅՈՒՆՔ ՏՎԵՑ

«Ինչի համար պայքարում էինք, արդյունք տվեց»,- ArmLur.am-ի հետ զրույցում հայտարարեց Հայաստանի ֆիզիկական կուլտուրայի և սպորտի պետական ինստիտուտի ղեկավար Դավիթ Խիթարյանը՝ անդրադառնալով բուհերի միավորման նախագծին:

«Վստահ եմ, որ նոր գործընթացների սկսման դեպքում անպայման մեզ կներառեն, որպեսզի մենք մեր դիտարկումները ներկայացնենք: Մենք ոչ թե դեմ ենք միավորման գաղափարին, այլ դեմ ենք, որ մեր բուհը դիտարկվի միայն ուսուցիչ պատրաստող բուհ: Մենք սպասարկում ենք սպորտը և դրան վերաբերող առարկաները: Մենք դեմ ենք, որ որեւիցե բուհի միանանք. խնդիրը Բրյուսովն ու Մանկավարժականը չէ: Մենք ներդրության բուհ ենք և մեզ ուրիշ բուհի մեջ չենք տեսնում»,-ասաց ղեկավարը: Խիթարյանի խոսքով՝ ԿԳՄՍ Նախարարի հետ հանդիպմանը հնչեցրել է իր դիտարկումները և հուսով է, որ դրանք կներառվեն առաջիկա քննարկումների մեջ:

«Հույսով եմ, որ մեր դիտարկումները հաշվի կառնվեն, և մեր բուհի կրթական ծրագրերը ամբողջությամբ կպահպանվեն, ինչը մեզ համար կարևոր է. մնացածն ընթացքում կերևա»,-հավելեց նա:

Հիշեցնենք, որ ավելի վաղ հայտնել էինք, որ Կրթության, գիտության, մշակույթի և սպորտի նախարարությունը հաստատել է, որ իսկապես կա Բրյուսովի անվան համալսարանը, Մանկավարժական համալսարանը և Ֆիզիկական կուլտուրայի ինստիտուտը միավորելու Կառավարության որոշման նախագիծ, ինչից հետո մոտ երկու շաբաթ Բրյուսովի ուսանողները բողոքի ակցիա էին իրականացնում վերոնշյալ նախագծին:

ԿԼԻՆԵՆ ԳՐԱԿԱՆ ԱՐԳՅՈՒՆՔՆԵՐ

«Հայաստանի և Թուրքիայի միջև հարաբերությունների կարգավորման գործընթացում առաջընթաց կա, խոսակցությունը շարունակվում է»,- հայտարարեց ՀՀ արտգործնախարար Արարատ Միրզոյանը ԱԺ մշտական հանձնաժողովների համատեղ նիստում՝ 2023 թ. պետությունների նախագծի քննարկմանը՝ անդրադառնալով պատգամավորների հարցերին: «Հանրահայտ է, որ գործընթացն առանց նախապայմանների է, և, միեւնոյն ժամանակ, թուրքական կողմն անընդհատ Ադրբեջանի հետ հարաբերությունների կարգավորման հետ է կապում, որը ինչ-որ առումով ինքնին մի քիչ նախապայման է հիշեցնում: Այնուամենայնիվ, այս հայտարարություններին զուգահեռ շատ կոնկրետ քննարկումներ են ընթանում, առաջին հերթին՝ հատուկ ներկայացուցիչների մակարդակում, բայց նաեւ այդ մակարդակից դուրս՝ մասնագիտական որոշակի ներգրավվածությամբ»,- ասաց Միրզոյանը: ԱԳ նախարարը հայտնեց, որ խոսակցությունը մի քանի կոնկրետ քայլերի մասին է, այդ թվում՝ դիվանագիտական անձնագրեր ունեցող անձանց համար սահմանի բացման, ինչպես նաեւ երրորդ երկրների քաղաքացիների համար սահմանի բացման վերաբերյալ:

«Կարող եմ ասել, որ առաջընթաց կա, խոսակցությունը շարունակվում է: Եվ կարող եմ ասել նաեւ, որ ակնկալում եմ ու հույս ունեմ, որ դրական արդյունքներ կլինեն մոտ ապագայում»,- եզրափակեց Միրզոյանը:

44-օրյա դաժնակալից հետո, երբ Հայաստանի ու Ադրբեջանի միջև հարաբերությունները հաստատելու և հաշտության գնալու մասին սկսեց խոսվել, հղում է արվում 1991թ. Ալմա-Աթայի հռչակագրին, որոնցով կողմերը ժամանակին ճանաչել են միմյանց տարածքային ամբողջականությունը:

Հիշեցնենք, որ հոկտեմբերի 7-ին Պրահայում Եվրամիության խորհրդի նախագահ Շառլ Միշելի, Ֆրանսիայի նախագահ Էմանուել Մակրոնի, Նիկոլ Փաշինյանի և Իլհամ Ալիևի մասնակցությամբ կայացած քառակողմ հանդիպման արդյունքում հայտարարություն է ընդունվել, որում ասվում էր. «Հայաստանն ու Ադրբեջանը հաստատեցին իրենց հանձնառությունը ՄԱԿ-ի կանոնադրությանը և 1991թ. Ալմա Աթայի հռչակագրին, որոնց միջոցով երկու կողմերն էլ ճանաչում են միմյանց տարածքային ամբողջականությունն ու ինքնիշխանությունը: Նրանք հաստատեցին, որ դա հիմք կհանդիսանա սահմանագատման հարցերով հանձնաժողովների աշխատանքների համար, և որ այդ հանձնաժողովների հաջորդ նիստը կկայանա Բրյուսելում մինչև հոկտեմբերի վերջ: Հայաստանն իր համաձայնությունը հայտնեց՝ խրախուսելու ԵՄ քաղաքացիական առաքելությունը Ադրբեջանի հետ սահմանի երկայնքով: Ադրբեջանը համաձայնեց համագործակցել նշյալ առաքելության հետ այնքանով, որքանով որ առնչություն կունենա: Առաքելությունն իր աշխատանքները կսկսի հոկտեմբերին առավելագույնը երկու ամիս ժամկետով: Առաքելության նպատակը կլինի վստահության կառուցումը և իր գեկույցների միջոցով սահմանային հանձնաժողովներին աջակցելը»:

Ալմա Աթայի հռչակագրին ընդունվել է 1991 թվականի դեկտեմբերի 21-ին, դրանով արձանագրվեց ԽՍՀՄ փլուզումը, և այսօր միջազգայնորեն ընդունված է, որ խորհրդային Միությունը փլուզվել է դեկտեմբերի 21-ին:

Հայաստանն ամեն դեպքում այս հռչակագրին միացել է վերապահումներով. 1992 թվականի փետրվարի 18-ին կայացվել է ՀՀ Գերագույն խորհրդի որոշումը՝ 1991 թվականի դեկտեմբերի 8-ին Սինսկում Բելառուսի, Ռուսաստանի (ՌԽՖՍՀ) և Ուկրաինայի ստորագրած Անկախ պետությունների համագործակցության ստեղծման մասին համաձայնագրի 13-րդ հոդվածում նշվում է, որ այն «բաց է ԽՍՀՄ անդամ բոլոր պետությունների առջև», ԳԽ-ն առաջարկել է լրացնել «այդ թվում ԽՍՀՄ-ի նախկին ինքնավար կազմավորումների համար, որոնք ԽՍՀՄ Գերա-



յունության ստեղծման մասին համաձայնագրի վավերացման մասին: Ընդհանուր առմամբ ներկայացված է եղել տասը վերապահում: Դրանցից մեկով, օրինակ, ԳԽ-ն առաջարկել է վերաշարադրել համաձայնագրի 5-րդ հոդվածը, որում նշվում է. «Բարձր պայմանավորվող կողմերը ճանաչում են հարգում են միմյանց տարածքային ամբողջականությունը և համագործակցության շրջանակներում գոյություն ունեցող սահմանների անձեռնմխելիությունը»:

ԳԽ-ն առաջարկել է այն շարադրել հետևյալ խմբագրությամբ. «Բարձր պայմանավորվող կողմերը ճանաչում են հարգում են ազգերի ազատ ինքնորոշման իրավունքը, միմյանց տարածքային ամբողջականությունը և սահմանների անձեռնմխելիությունը»:

Իսկ համաձայնագրի 13-րդ հոդվածում նշվում է, որ այն «բաց է ԽՍՀՄ անդամ բոլոր պետությունների առջև», ԳԽ-ն առաջարկել է լրացնել «այդ թվում ԽՍՀՄ-ի նախկին ինքնավար կազմավորումների համար, որոնք ԽՍՀՄ Գերա-

յուն խորհրդի «ԽՍՀՄ-ի գոյության դադարեցման մասին» հռչակագրի ընդունումից առաջ անցկացրել են անկախություն հռչակելու վերաբերյալ համաժողովրդական հանրաքվե:

Նկատենք՝ Արցախի ինքնորոշման հանրաքվեն տեղի է ունեցել ավելի վաղ, քան ընդունվել է այս հռչակագիրը, այսինքն՝ հռչակագիրն ընդունելու պահին Արցախն արդեն անկախ էր:

Հավելենք, որ ԱՊՀ-ին, բացի Բելառուսից, Ռուսաստանից և Ուկրաինայից, միացել են եւս 8 հանրապետություններ, որոնք են Ադրբեջանը (1993 թվականի սեպտեմբերի 24), Հայաստանը, Ղազախստանը, Ղրղզստանը, Մոլդովան, Տաջիկստանը, Թուրքմենստանը, Ուզբեկստանը: Վրաստանը ԱՊՀ-ին միացել է 1993 թվականի դեկտեմբերին: Բալթյան երկրները (Լատվիա, Լիտվա և Էստոնիա) հրաժարվել են ստորագրել ինչպես Ալմա Աթայի, այնպես էլ Բելոլվեժյան համաձայնագիրը:

ՆԱԽՈՒ ՀՈՎԿՆՆԻՄԱՆ

ՕՐՎԱ ԽՃԱՆԿԱՐ

ՄԱՍՆԱԿՑԵԼՈՒ Է

Վարչապետ Նիկոլ Փաշինյանն ընդունել է Շվեդիայի խորհրդարանի հայագահի պատգամավոր, Շվեդիա-Հայաստան բարեկամական խմբի նախագահ Արին Կարապետին, որը Երեւան է ժամանել՝ մասնակցելու Համաշխարհային հայկական առաջին գազաթնաժողովին:

Արին Կարապետը նախ իր տպավորություններով է կիսվել Համաշխարհային հայկական առաջին գազաթնաժողովից և գոհունակությամբ ընդգծել աշխատանքների, տեղի ունեցող քննարկումների արդյունավետ անցկացման փաստը: Շվեդիայի խորհրդարանի հայագահի պատգամավորը կարելու է տարբեր երկրների խորհրդարանների հայ պատգամավորների միջև մշտական կապերի ստեղծումն ու ամրապնդումը, ինչը կնպաստի արտերկրում հայաստան գործունեությանը:

Կարելու է Շվեդիա-Հայաստան բարեկամական խմբի ակտիվ գործունեությունը, երկու երկրների միջև ավիա-

հաղորդակցության կազմակերպման ուղղված քայլերի իրականացումը: Քննարկվել են երկու երկրների միջև տարբեր ոլորտներում համագործակցության ընդլայնմանը վերաբերող մի շարք հարցեր:

Անդրադարձ է կատարվել նաեւ Հայաստան-Սփյուռք կապերի ամրապնդմանը, Համաշխարհային հայկական առաջին գազաթնաժողովն ամենամյա դարձնելու հնարավորություններին վերաբերող հարցեր:

ՎՏԱՆԳԸ ՊԱՐՊԱՆՎՈՒՄ Է

Ընթացիկ տարվա իրադարձությունները ցույց տվեցին, որ ՀԱՊԿ-ին անհրաժեշտ է օպտիմալացնել ճգնաժամային իրավիճակներին արձագանքման մեխանիզմը, այս հարցի վերաբերյալ փաստաթղթերի փաթեթը պատրաստ է և համաձայնեցվում է: Հինգշաբթի ԱՊՀ

երկրների անվտանգության խորհուրդների քարտուղարների նիստում այս մասին հայտարարել է ՀԱՊԿ գլխավոր քարտուղարի տեղակալ Վալերի Սեմերիկովը. փոխանցում է ՏԱՍՍ-ը:

Սեմերիկովն ընդգծել է, որ աշխարհակարգի վերափոխման ներկա շրջանը դարձել է միավորման պետությունների համար կայունության ամենալուրջ փորձությունը: Նրա խոսքով՝ Արեւմուտքը Կիեւին դրոժում է հակամարտության սրմանը՝ չնայած ուկրաինական կողմի բոլոր կորուստներին, սակայն ՀԱՊԿ պատասխանատվության գոտում լարվածության այլ օջախները նույնպես աջակցություն են ստանում:

Այսպիսով, պահպանվում է Հայաստանի և Ադրբեջանի, ինչպես նաեւ Ղրղզստանի և Տաջիկստանի միջև էսկալացիայի և դիմակայության վտանգը. նշել է ՀԱՊԿ գլխավոր քարտուղարի տեղակալը:



ՀԱՍԱՐԱԿՈՒԹՅՈՒՆ

ՄԱՐԶ

ԱՆՀԱՄԱՊԱՏԱՄԻԱՆ ԳՈՒՄԱՐԻ ԲԱՇԽՈՒՄ

Տավուշի մարզպետարանի աշխատակազմը խիստ ուռճացած է: Մարզում ընդամենը երկու ոլորտ՝ հանրակրթությունը և առողջապահությունը ղեկավարող մարզպետարանի աշխատակազմն ունի 88 հաստիք՝ մարզպետ, մարզպետի երկու տեղակալ, մարզպետի երկու օգնական, մարզպետի երկու տեղակալների օգնականներ, մարզպետարանի գլխավոր քարտուղար, գլխավոր քարտուղարի տեղակալ, վարչությունների պետեր, բաժնի վարիչներ, գլխավոր մասնագետներ, ավագ մասնագետներ, մասնագետներ, քարտուղար, 2 վարորդ, 4 հավաքարար, պարետ, պահակ, կաթսայատան վարիչ: Ըստ Տավուշի մարզպետարանի ինտերնետային կայքի՝ մարզպետարանի աշխատողների 88 հաստիքներից ներկայումս թափուր են 12-ը: Տավուշի մարզպետարանի աշխատակազմը 2022 թվականի ընթացքում պետական բյուջեից ստանալու է 88 միլիոն 92 հազար 700 դրամի չափով պարգեատրում: Նույնվերջյան խոշորացված համայնքի Բարեկամավան փոքր գյուղը հեռավոր, սահմանափակված, վտանգավոր գոտում է: Երկու տարի է, ինչ Բարեկամավանի միջնակարգ դպրոցի տանիքի նորոգումը (որը կատարվել է Ստավոպոլում բնակվող բարեկամավանցիների հանգանակած փողերով) կիսատ է մնացել, անձրեաշերտը լցվում են դպրոցի շենք: Արդեն երկու տարի է Բարեկամավանի բուժկետի տանիքի կետը չկա, այն պոկվել է ուժգին քամուց, անձրեաշերտը լցվում են ներս, բուժկետում հակասանիտարական ահավոր վիճակ է, պատերի վերեւի անկյուններում մեծ բորբոսներ են: Այդպիսի ահավոր պայմաններում է բուժկետի բուժքույրն աշխատում, այդ պայմաններում բարեկամավանցիները բուժվելու են ստանում, դեղորայք է պահվում: Նույնվերջյան համայնքի սահմանափակ Բերդավան գյուղի միջնակարգ դպրոցի հիմնանորոգման համար «Բերդավան» բարեգործական հիմնադրամը աշխատանքներ է կատարում: Հիմնադրամին գումարներ են նվիրաբերում արտերկրում, Երեւանում, Հայաստանի այլ վայրերում, Բերդավանում բնակվող բերդավանցիները: Հիմնադրամը 2022թ. օգոստոսին սկսել է Բերդավանի միջնակարգ դպրոցի շենքի մասնակի բարեկարգման աշխատանքները, որոնք շարունակական բնույթ են կրելու: Արդեն ավարտվել է շենքի առաջին հարկի եւ երկու մասնաշենքերն իրար կապող միջանցքի պատերի ու առաստաղի վերանորոգումը: Հիմնադրամը հաջորդ փուլում նախատեսում է իրականացնել դպրոցի բակի ասֆալտապատման, առաջին հարկի ողջ տարածքի հատակի սալապատման, դպրոցի ընդհանուր վերանորոգման նախագծանախաձեռնվալի փաստաթղթի կազմման աշխատանքները: Այդ գործերը կատարելու համար հիմնադրամը գումարներ նվիրաբերելու կոչով դիմել է բերդավանցիներին: Հայտնի չէ, թե որ նվաճումների համար պետական բյուջեում ավելի քան 88 միլիոն դրամ կա Տավուշի մարզպետարանի աշխատողներին պարբերաբար պարգեատրելու համար, իսկ սահմանափակ պետական կարտուր հիմնարկների՝ Բարեկամավանի դպրոցի եւ բուժկետի տանիքների, Բերդավանի դպրոցի վերանորոգման համար պետբյուջեում գումարներ չկան:

ՈՍԿԱՆ ՍԱՐԳՅԱՆ Տավուշ

ԹԱՆԿԱՑՈՒՄՆԵՐ

ՊԱՇՏՈՆԱՊԵՍ ԳԵԱՃ՝ ՄՊԱՌՈՂԱԿԱՆ ԸՈՒԿԱՅՈՒՄ

Հայաստանում կյանքն օր օրի քանկանում է: Ի դեպ, ՀՀ վիճակագրական կոմիտեի տվյալներով՝ հացի շուկայում այս հոկտեմբերին, սեպտեմբերի համեմատ, արձանագրվել է գնաճ: Այս սարվա հոկտեմբերին, նախորդ սարվա նույն ժամանակահատվածի համեմատ, սննդամթերքը զգալի քանկացել է: Վիճակագրական կոմիտեի տվյալներով՝ մեկ սարվա ընթացքում սննդամթերքի ոլորտում գնաճը կազմել է 12.5 տոկոս, իսկ հոկտեմբերին, սեպտեմբերի համեմատ, այն քանկացել է 0.3 տոկոսով: Հայաստանի 8 ֆաղափներում հոկտեմբերին, սեպտեմբերի համեմատ, սննդամթերքի եւ ոչ ալկոհոլային խմիչքի գներն աճել են 0.1-0.5 տոկոսով, իսկ 3-ում դրսևողանվել է գների նախորդ ամսվա մակարդակը:



Երեւանում սննդամթերքի եւ ոչ ալկոհոլային խմիչքի գներն աճել են 0.5 տոկոսով: ArmLur.am-ը տեղեկացավ, որ մեկ տարվա ընթացքում ոչ միայն այսօրն է թանկացել, այլև բրինձը, մակարոնեղենը, ձավարեղենը: Օրինակ՝ հնդկացորենը (գրեչկա) 23.2 տոկոսով է թանկացել: Ի դեպ, փաթեթավորված կես կիլոգրամ հնդկացորենի գինը կազմում է շուրջ 800 դրամ, իսկ մեկ կիլոգրամի արժեքը 1600 դրամը գերազանցում է: Որակյալ բրինձի մեկ կիլոգրամի արժեքը սկսում է 780 դրամից, բայց փաթեթավորված բրինձի գինն ավելի բարձր է՝ 900 դրամից սկսած: Իսկ մակարոնը մեկ տարվա ընթացքում թանկացել է 30.3 տոկոսով: Նշենք, որ Վիճակագրական կոմիտեն արձանագրել է, որ այս տարվա հոկտեմբերին, սեպտեմբերի ամսվա համեմատ, բրինձի գինը նվազել է 0.4, մակարոնինը՝ 0.3 տոկոսով:

Հացն է թանկացել. ըստ Վիճակագրական կոմիտեի՝ այս տարվա հոկտեմբերին, նախորդ տարվա նույն ժամանակահատվածի հետ համեմատ, հացի գինն աճել է 18.8, իսկ սեպտեմբերի համեմատ՝ 0.3 տոկոսով: Կարագի շուկայում եւս գնաճ է արձանագրվել, եւ սա՝ այն դեպքում, երբ դոլարի փոխարժեքը ցածր է: Սովորաբար դոլարի փոխարժեքի բարձրացման հետեւանքով Հայաստանում որոշ ապրանքներ թանկանում են: Խոսքը ներկրվող ապրանքների մասին է: Դոլարի եւ եվրոյի փոխարժեքը շարունակում է ցածր մնալ, իսկ կարագի գինը չի նվազում ու չի նվազում:

ՎԿ-ն կարագի շուկայում մեկ տարվա ընթացքում գրանցել է 3.3, իսկ մեկ ամսվա ընթացքում՝ 0.2 տոկոսի չափով գնաճ: Թանկացել է շոկոլադե, մեղրը: Հրուշակեղենի շուկայում եւս գնաճ է արձանագրվել: Կաթնամթերքը եւս ամսան չի մնացել թանկացումից: Ոչ միայն թարմ կաթի գինն է բարձրացել, այլև պանիրը: Մեկ տարվա ընթացքում պանիրի գինը բարձրացել է 22.1 տոկոսով: Տավարի միսը հոկտեմբերին, սեպտեմբերի համեմատ, թանկացել է 0.9 տոկոսով, մեկ կիլոգրամի գինը գերազանցում է 3500 դրամը, ցլիկի փափուկ մսի մեկ կիլոգրամը վաճառվում է 5350 դրամով: ArmLur.am-ը տեղեկացավ, որ մեկ ամսվա ընթացքում խոզի, գառան մսի, թռչ-

ԿԱԶԱԿՑԵՆ

165 ՄԻԼԻՈՆ ԴՈԼԱՐ՝ ՀԱՅԱՍՏԱՆԻՆ

Արժույթի միջազգային հիմնադրամը կազակցի Հայաստանի կառավարության սննտական ծրագրին, որդեսգի երկիրը կարողանա ներդրումներ, արտահանման վրա հիմնված սննտական աճ արձանագրել միաժամանակ դաշնային մակրոսննտական, հարկաբյուջեային եւ ֆինանսական կայունությունը: Արժույթի միջազգային հիմնադրամից հայտնում են, որ Հայաստանի հետ պայմանավորվածություն են ձեռք բերել 3-ամյա համաձայնագիր կնքելու վերաբերյալ, որը դեռեւս ենթակա է Արժույթի միջազգային հիմնադրամի գործադիր խորհրդի հաստատմանը. ակնկալվում է, որ հարցը

կքննարկվի 2022 թվականի դեկտեմբերին: Նշվում է, որ Հայաստանի իշխանությունների խնդրանքով Արժույթի միջազգային հիմնադրամի աշխատակիցների խումբը 2022 թվականի սեպտեմբերի 26-ից հոկտեմբերի 6-ը եղել է Երեւանում ուսումնասիրելու երեքամյա տնտեսական ծրագիրը: Հայաստանում ունեցած հանդիպումներից եւ քննարկումներից հետո Հայաստան ժամանած ԱՄՆ պատվիրակության ղեկավար Իվա Պետրովան հայտարարել է, որ Հայաստանն ու Արժույթի միջազգային հիմնադրամը համաձայնության են հասել համաձայնագրի շուրջ, որը ենթադրում է շուրջ 165.6 միլիոն դոլարի հատկացում Հայաստանին՝ մակրոտնտեսական, ֆիսկալ եւ ֆինանսա-

կան կայունության ապահովմանն ուղղված տնտեսական ծրագրին աջակցելու համար: Արժույթի միջազգային հիմնադրամը 2022 թվականին Հայաստանի համար 11 տոկոս տնտեսական աճ է կանխատեսել՝ արտաքին եկամուտների, կապիտալի եւ աշխատուժի ներհոսքի հաշվին: Նշվում է նաեւ, որ դրամի արժեւորումը հանգեցրել է երկրի պետական պարտքի նվազմանը, որն այս տարվա արդյունքներով կկազմի ՀՆԱ-ի 51 տոկոսն այն դեպքում, երբ 2021 թվականին պետական պարտքը կազմում էր ՀՆԱ-ի 60.3 տոկոսը: Միեւնույն ժամանակ ակնկալվում է, որ 2023 թվականին տնտեսական աճը կդանդաղի եւ միջնաժամկետ կտրվածքով կմնա 4-5 տոկոսի միջակայքում:

ՄՅՈՒՆԷ ՀԱՍՔԱՐԶՈՒՅԱՆ

● Անցած 1 օրվա ընթացքում Հայաստանի Հանրապետությունում արձանագրվել է 14 ՃՏՊ. 16 մարդ ստացել է տարբեր աստիճանի մարմնական վնասվածքներ:



ԿԻՆՈ

# «ԱՎՐՈՐԱՅԻ ԼՈՒՍԱԲԱՅԸ» ԿՅՈՒՑԱԴՐՎԻ

«Ավրոայի լուսաբացը» անիմացիոն-վավերագրական ֆիլմը նոյեմբերի 3-17ը կցուցադրվի երեւանյան կինոթատրոններում. այս մասին տեղեկացրին Հայաստանի ազգային կինոկենտրոնից:

«Ֆիլմի հայաստանյան պրեմիերան տեղի է ունեցել դեռևս հուլիսին՝ երեւանյան «Ոսկե Ծիրանի» օրերին՝ մասնակցելով փառատոնի միջազգային մրցութային ծրագրում, որտեղ էլ արժանացել է «Արծաթե ծիրան» մրցանակին: «Ավրոայի լուսաբացը» անիմացիոն-վավերագրությունը համատեղ արտադրություն է՝ Հայաստան-Գերմանիա-Լիտվա: Կինոնկարը ֆինանսական աջակցություն է ստացել Հայաստանի ազգային կինոկենտրոնից և Եվրոպական ամենախոշոր կինոֆոնդից՝ «ԵՎՐՈՄԱՍՏ»-ից (Հայաստանը՝ որպես մեծամասնական համարտադրող):

«Ավրոայի լուսաբացը» անիմացիոն-վավերագրությունը՝ Հայկական ազգային կինոակադեմիան ընտրել է «Օսկար» մրցանակաբաշխության «Լավագույն արտասահմանյան ֆիլմ» անվանակարգում ներկայացնելու համար:

«Ավրոայի լուսաբացը» ֆիլմը նոմինացվել է Asia Pacific Screen Award (Ասիա-հաղադոպկիանոսյան Էկրանավորման մրցանակ) մրցանակաբաշխության լավագույն անիմացիոն ֆիլմ անվանակարգում: Այդ անվանակարգում մրցելու են 5 ֆիլմեր: Մրցանակաբաշխության արդյունքները հայտնի կդառնան նոյեմբերի 9-11-ը Ավստրալիայի Բրիսբեն քաղաքում: Այս չափազանց բարձրակարգ կինոստուգատեսը Ասիա-հաղադոպկիանոսյան տարածաշրջանում «Օսկար»-ին համարժեք մրցանակաբաշխություն է, որտեղ ընտրվում է մրցանակի են արժանանում լավագույն ֆիլմերը:

Կինոնկարն ընդգրկվել է (նոյեմբերի 18) Tallinn Black Nights կինոփառատոնի Baltic մրցութային ծրագրում, ինչպես նաև Ամստերդամի հայտնի վավերագրական փառատոնի (IDFA) Best of Fests ծրագրում: Ֆիլմի համարտադրող երկրում՝ Լիտվայում, պրեմիերան կկայանա Scanorama փառատոնի օրերին՝ նոյեմբերի 19-ին», - ասվում է հաղորդագրության մեջ:



Աղբյուրը հիշեցնում է, որ հոկտեմբերի 23-ին տեղի է ունեցել ֆիլմի ամերիկյան պրեմիերան (ANIMATION IS FILM փառատոնի մրցութային ծրագրում) Յոլիվուդյան պատմական Չինական թատրոնում: Ֆիլմն արժանացել է «Հանդիսատեսի համակրանք» մրցանակին: Դեռևս հոկտեմբերի սկզբին ֆիլմն ընդգրկված է եղել նաև FilmFest Hamburg կինոփառատոնի «Կալեյդոսկոպ» մրցութային ծրագրում և DocLisboa փառատոնի «Երկրից լուսին» ծրագրում:

«Ավրոայի լուսաբացը» ֆիլմի պրեմիերան տեղի է ունեցել անիմացիայի աշխարհի ամենամեծ փառատոնի՝ «ԱՆՍԻ»-ի մրցութային ծրագրում: Սա աշխարհի ամենամեծ անիմացիոն փառատոնն է, որը ոչ պաշտոնապես համարվում է անիմացիայի Կաննը:

«Ավրոայի լուսաբացը» համաշխարհային պրեմիերայից և միջազգային ցուցադրություններից հետո արտասահմանյան մամուլն ու փառատոնային կայքերը շարունակում են հանդես գալ ֆիլմի մասին հրապարկումներով՝ անդրադառնալով 100 տարի առաջ թուրքական պետության իրականացրած ցեղասպանությանը, որի հետևանքով իր բնօրրանում ոչնչացվեցին 1,5 միլիոն հայեր», - հայտնում են Հայաստանի ազգային կինոկենտրոնից՝ ներկայացնելով Los Angeles Times-ի անդրադարձը: «Հայոց ցեղասպանության մասին պատմող «Ավրոայի լուսաբացը» ֆիլմը ներառվել է 2022 թվականի Animation Is Film «5 պարտադիր դիտման ֆիլմերի» ցանկում: Aurora's Sunrise-ը հիբրիդային վավերագրական ֆիլմ է, որը ներկայացնում է Ավրոա Մարդիգանյանի կյանքը անիմացիայի միջոցով», - գրում է Los Angeles Times-ը, որի փոխանցմամբ՝ 1901 թվականի հունվարի 12-ին Արեւմտյան Հայաստանում ծնված Ավրոա Մարդիգանյանի պատմությունը դարձավ Մերձավոր Արեւելքի օգնության ֆոնդի գանգը Հայոց ցեղասպանության ժամանակ: Ավրոա Մարդիգանյանի պատվին «Ավրոա» մրցանակը սահմանվել է որպես մարդասիրական մրցանակ, որը հիմնադրվել է Հայոց ցեղասպանությունը վերապրածների անունից՝ ի երախտագիտություն նրանց փրկիչների»:

ԼՈՒՐԵՐ

## ՆՈՐ ՊԱՅՄԱՆԱԳԻՐ

Իտալիայի չեմպիոն «Միլանի» դեկավարությունը Նոր պայմանագիր կառաջարկի աշխարհի չեմպիոն Ֆրանսիայի հավաքականի հարձակվող Օլիվիե Ժիրոնին:

36-ամյա ֆուտբոլիստի գործող պայմանագիրը նախատեսված է մինչև այս մրցաշրջանի ավարտը: Կողմերը բանակցությունները կսկսեն նոյեմբերի 20-ից դեկտեմբերի 18-ը՝ Քաթարում անցկացվելիք աշխարհի առաջնությունից հետո:

Ժիրոն գոհ է պայմաններից Միլանում և դեմ չէ համագործակցության երկարաձգմանը:

Ընթացիկ մրցաշրջանում ժիրոն «Միլանի» հետ բոլոր մրցաշարերում մասնակցել է 17 հանդիպման, խփել 8 գոլ, կատարել 4 գոլային փոխանցում:

## ԱՄՓՈՓՈՒՄ

Անգլիայի չեմպիոն «Մանչեսթեր Սիթի» կատալոնացի գլխավոր մարզիչ Խոսեպ Գվարդիոլան մեկնաբանել է իսպանական «Սեվիլիայի» նկատմամբ 3:1 հաշվով հաղթանակը և ամփոփել խմբային փուլը: Մանչեսթերյան թիմը նվաճել է 1/8 եզրափակիչի ուղեգիր, «Սեվիլիան» խմբում գրավել է երրորդ տեղը և պայքարը կշարունակի Եվրոպայի լիգայի 1/16 եզրափակիչում:

«Մեր երիտասարդ խաղացողները գերազանց արդյունքի հասան փորձառու «Սեվիլիայի» հետ դիմակայությունում:

20-25 տարի իսպանական ակումբները գերիշխել են Եվրոպայում: «Բարսելոնան», «Ռեալը», «Աթլետիկոն», «Սեվիլիան», «Վալենսիան» միշտ եղել են եվրոպական մրցաշարերում: Այս տարի այնքան էլ հաջող չխաղացին: Այսպիսին է ֆուտբոլը: Սա ձախողում չէ, նրանք փորձեցին, բայց չստացվեց: Հաջորդ տարի նրանք ավելի ուժեղ կվերադառնան:

Չեմպիոնների լիգան շատ բարդ մրցաշար է: Կարճ ժամանակահատվածում պետք է շատ ուժ ներդնես: Մեկ կամ երկու սխալը կարող է վճռական լինել: «Բարսելոնան», «Յուվենտուսն» ու «Աթլետիկոն» գերազանց թիմեր են, բայց դուրս մնացին: Լինում են վերահսկողությունից դուրս իրավիճակներ», - ասել է Գվարդիոլան:

Իսպանական ակումբներից Չեմպիոնների լիգայի փլեյ-օֆֆ է դուրս եկել միայն Մարդիգի «Ռեալը», որը պաշտպանում է տիտղոսը:

## ՎԱՏԱԳՈՒՅՆ ՄՐՑԵԼՈՒՅԹ

Թուրքի «Յուվենտուսը» վատագույն մրցելույթն ունեցավ Չեմպիոնների լիգայում ակումբի պատմության մեջ: Իտալացի Մասիմիլիանո Ալեգրիի գլխավորած թիմը խմբային փուլի 6 խաղից 5-ում պարտություն կրեց և միայն մեկ անգամ պարտության մատնեց իսրայելական «Մաքաբի Հայֆային»:

Վերջին տուրում «Յուվենտուսը» տանը 1:2 հաշվով պարտվեց Ֆրանսիայի չեմպիոն Փարիզի ՊՍԺ-ին: Ի խմբում «Յուվենտուսն» ու «Մաքաբին» վատակցեցին 3-ական միավոր: «Յուվենտուսը» երրորդ տեղը գրավեց և Եվրոպայի լիգայի 1/16 եզրափակիչի ուղեգիր նվաճեց գուլերի տարբերությամբ:

ՀՈՎԻՏԱՆԵՍ ԱԶՈՅԱՆ

# «ՀՈՎԻՏԱՆԵՆ ԵՄ ԲՈՒՆՈՒՐԻՑ»

Գերասան Հովհաննես Ազոյանը, որը մեծադեպ հայտնվում է սկանդալների կիզակետում, վերջին օրերում այնքան էլ ակտիվ չէ: ArmLur.am-ը փորձեց կառ հասանել դերասանի հետ՝ դարձելու համար, թե ինչ զբաղվածություն ունի այս դահին և ինչ գործունեություն է ծավալում:

Վերջինս, մեր հարցադրումներին ի պատասխան, ասաց. «Այս պահին հարցազրույց չեմ տալիս, հանգստանում եմ, հոգևոր եմ բոլորից, ինձանից պատասխան չեք կարող ակնկալել», - կարճ, բայց ժպիտով նշեց մեր զրուցակիցը:

Հիշեցնենք, որ Հովհաննես Ազոյանը ակտիվորեն մասնակցել է 2018թ. հեղափոխությանը, ավելին՝ մշտապես աչքի է ընկել քաղաքական դիրքորոշումներով և հայտարարություններով:

ԼԻՂԱ ԵՐԻԱԶՈՐՅԱՆ



● Նոյեմբերի 5-ին Երեւանի պետական կամերային թատրոնում տեղի կունենա «Հինգ պատմություն» սիրո մասին» ներկայացումը: Տոմսերի արժեքը՝ 2000-6000 դրամ: Սկիզբը՝ ժամը 19:00-ին:



Էջը՝ ՌՈԶԱ ՊՈՂՈՍՅԱՆԻ

**ԿԱՐԳ**

**ՀԱՐՑ. Ի՞նչ կարգով է կատարվում անհատի վնասա-  
սունների և հիվանդությունների կանխարգելումը:  
Կարինե Սարգսյան (45 տարեկան)**



**ՊԱՏԱՍԽԱՆ.** Անտառի վնասատուների և հիվանդությունների կանխարգելման միջոցառումների իրականացումը պետական անտառներում կենտրոնացված կարգով կազմակերպում է պետական կառավարման լիազորված մարմինը:

Աշխատանքներն իրականացվում են անտառապաթուղգիական ուսումնասիրությունների հիման վրա:

Անտառի վնասատուների և հիվանդությունների վնասակարության կանխարգելման աշխատանքներում կիրառվում են անտառային էկոհամակարգերի և շրջակա միջավայրի նկատմամբ նվազագույն բացասական ազդեցություն ունեցող եղանակները և մեթոդները: Նախապատվությունը տրվում է վնասատուների ու հիվանդությունների վնասակարության կանխարգելման կենսաբանական եղանակներին:

**ԳՅ շրջակա միջավայրի նախարարություն**

**«ԺՈՂՈՎՈՒՐԳ».** Անտառի վնասատուների և հիվանդությունների վնասակարության կանխարգելման աշխատանքներն իրականացվում են սույն օրենսգրքի ու խնամքի սանիտարական հատումների իրականացման կարգի համաձայն:

**ՍՈՑԻԱԼԱԿԱՆ**

**ՀԱՐՑ. Կարո՞ղ եմ կուսակել մի ֆանի ամսվա կենսաթուղան, այնուհետ, անկանխիկ գումարներ կատարելով, ստանալ ոչ թե ամեն ամսվա կենսաթուղանի 10% հետվճարը, այլ կուսակված գումարի 10%-ի չափով հետվճար:**

**Նաիրա Գունանյան (65 տարեկան)**



**ՊԱՏԱՍԽԱՆ.** Այո, սակայն մեկ ամսվա ընթացքում 50,000 դրամից ավելի գումարների դեպքում արդեն հետվճար չի հաշվարկվի: Կենսաթոշակի 10% հետվճար ձեւավորվում է անկանխիկ ցանկացած վճարումից, այդ թվում՝ դեղատներում, հիվանդանոցներում, հագուստի խանութներում, սննդի կետերում և այլն:

**ԳՅ աշխատանքի և սոցիալական հարցերի նախարարություն**

**«ԺՈՂՈՎՈՒՐԳ».** Կենսաթոշակի 10% հետվճարի ծրագրին միացել են «ՎՏԲ Զայաստան» բանկ, «Արդշինբանկ», «Հայֆինանսբանկ», «Ակբա» բանկ գործընկեր կազմակերպությունները:

**ԼՈՒՐ ԿԱՐԴ**

Լուսանկարն արվել է Երեւանում



Մելիք Ադամյան և Նալբանդյան փողոցների խաչմերուկում Ֆինանսների նախարարության հարեանությունը, անհայտ հանգամանքներում հրդեհ է բռնկվել Kia մակնիշի ավտոմեքենայում: Տուժածներ չկան:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել

**«Հայմամուլ» ՓԲԸ**  
հեռ. 45-82-00, 45-19-11

**«Հայփոստ» ՊՓԲԸ**  
հեռ. 51-45-46, 51-45-47

**«Բլից-Մեդիա» ՍՊԸ**  
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձնանք ձեր բարձրացրած բոլոր խնդիրներին:


**ԱՌԱՋԱՐԿ**  
**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային ես/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.  
«Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22՝/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 3.11.2022

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: